

## Agressons policiais, defesa dos piquetes e detençons

---

LA HAINE/GALIZALIVRE :: 31/03/2012

En Galiza, agresiones policiales y detenciones.....en todo el país, 17 detenidas y detenidos

A falta de dados mais concretos, a imprensa comercial fala de polo menos dezassete pessoas detidas na Galiza, a Delegação do Governo espanhol na Galiza, pola contra, deixou a cifra em onze.

Em Compostela, fôrom sete as pessoas detidas, e em Ourense oito (a Delegação do Governo fala de três), sob acusaçons que vam da queima de contentores a pintadas. Nas principais cidades, os bombeiros tivérom trabalho durante toda a jornada, especialmente em Vigo - onde falam dum cento de contentores empregados em barricadas ou queimados-, Compostela, onde às onze da manhã barricadas de pneus ardendo cortárom o trânsito na Virgem da Cerca, e Ferrol. Houvo barricadas também nos acessos ao polígono de Narom, e ao aeroporto da Lavacolha. Na Corunha, porém, os ativistas sinalam que a policía optou pola táctica habitual na cidade: indentificar a todo o mundo à primeira hora, para posteriormente sancioná-los por via administrativa. Em Vigo foi detida umha pessoa. No Diário Liberdade falam também de três piquetes detidos nas Pontes, um em Vilar do Colo, e três na Gándara (Ferrol), com o que resultariam já 24 pessoas detidas na Galiza em total.

### Agressons policiais em Vigo e Ferrol

As agressons policiais que atingírom mais fôrom umha a um delegado da UGT em Ferrol, e o da pessoa detida em Vigo, Bernal R., cámara da CIG que estava a filmar o piquete do Alcampo em Coia, quando foi reduzido com extrema violência por agentes da policía de choque, tendo que receber atençom médica após sair em liberdade da esquadra policial. Em Ferrol, um piqueteiro dirigente da UGT local, Juan José Couso Ferreira, acabou no hospital após ser atacado pola policía local por volta da umha da madrugada. Já no País Basco, um moço ferido por um disparo de bola de borracha permanece ingressado na UCI.

Nos piquetes da tarde, a policía cargou contra gente da CUT em Compostela, sobre as sete da tarde. Umha hora antes, o piquete autónomo também foi ameaçado diante do Zara.

### Polícia espanhola exercendo de segurança privada

Embora a presença policial foi menor do que nas duas anteriores greves, produzírom-se as habituais situaçons de tensom. Destaca a especial dedicaçom da policía espanhola à hora de impedir a açom piqueteira em empresas como Citroën, El Corte Inglés ou Alcampo. O despregue policial nom evitou numerosas açons contra a patronal: na comarca de Trasancos numerosos caixas automáticos fôrom inutilizados, e os vidros de numerosos estabelecimentos da banca e multinacionais fôrom atacados em todo o país.